

կայսերական կամաց դործեալ են ինչ , այժմ անարժան
 դործն Յունաց նախատինս բերէ 'ի վերայ նոցա : Զի 'ի
 հրովարտակս Հայոց բացայայտ դրեալ է բաժանորդութիւն
 գերեզմանի Ս. Աստուածածնի և 'ի Բեթղէհէմի , ուստի
 հարկ է հաւասարաբաժին լինիլ երկոցունց . յերկջ դրանց
 եկեղեցւոյն , երկուքն սեփական են Յունաց , և հիւսիսա-
 յինն Հայոց . սակայն 'ի ժողովի քննութեան յայտ արտրին
 Յոյնք թէ իրաւամբ բաժանորդութեան փակել զայն , զի
 եթէ հարկ լինի փակել , ուստի՞ մտցեն Հայք յԱյրն Ծը-
 նընդեան , զի խափանի ճանապարհն՝ զրկին 'ի սլաշտամանց
 խեղճանք և ուխտաւորք նոցա . և միջնադուռն փայտեայ ,
 'ի վաղ ժամանակաց շինեալ է 'ի Հայոց արտաքին երկաթեայ
 դուռն , որոյ փականքն են 'ի ձեռս Յունաց , և բաց յայն-
 մանէ Հայք չունին այլ ճանապարհ 'ի վանս իւրեանց , և 'ի
 փակելն զայն՝ Հայք մնան արտաքոյ դրան : Եւ յայսմ նը-
 ւազի խնդիրն վերանորոգութեան 'ի հակառակութենէ
 յառաջ եկեալ է : Զպատկերս և զկանթեղս յԱյրն Ծընը-
 դեան և 'ի կողմն հիւսիսոյ , եղեալ են Հայք յառաջագոյն
 ըստ օրինակի գերեզմանի Ս. Աստուածածնի , այժմ Յոյնք
 իրրեւ նորահնար զիրս վարկանեւով զնոսա կամին բառեալ :

Արդ՝ Փոխանորդն , Թարգմանն եւ Մերակոյտն Հայոց
 խնդրեն չձգել Յունաց զձեռս իւրեանց 'ի սլատկերս , 'ի
 կանթեղս և յայլ սպասս եկեղեցւոյ , լեալ իրաւամբ բա-
 ժանորդութեան . յԱյրն Ծընըդեան և յեկեղեցին և 'ի սիւ-
 նազարդ սրահն կախել կանթեղս և պատկերս , զարդարել ,
 աւել ածել և մաքրել , արտաքին դրան լինել բաժանորդ ,
 հիւսիսայինն սեփականել , և յեկեղեցին կանգնել սեղան :
 Եւ ըստ պահանջման արդարութեան՝ վերանորոգութիւն
 Տաճարին Ս. Յարութեան և եկեղեցւոյն Բեթղէհէմի լի-
 նել ընկերութեամբ . զսեփական տեղիս՝ անկախութեամբ ,
 և զբաժանորդս ընկերութեամբ , եւ շինել զչորեալն սե-
 նեակս Ս. Յարութեան զոր գրեցաք , \OXY Pէպիւլ Եփէլ
 վերջ :

Սակայն այսպիսի դրեանք Դատաւորաց , խնդիրք եւ
 ջանք Հայոց՝ ոչ ինչ օգնեցին դործոյն , զի չէր հնար Ար-
 քայի յետս կոչել զհրովարտակն ընդհանուր նորոգութեան
 Ս. Տեղեաց՝ զոր տուեալ էր Յունաց : Յետ այսր ամենայն